

## Бизни қандай оқибат кутяпти?



15:01 / 10.02.2022 3552

Майитга жаноза ўқиши ва уни дафн этиши пайтида, айниқса, лаҳад оғзи ёпилаётган пайтда кишини қўрқув қамраб олади. Одамлар майитни тезроқ дафн этишга уринадилар.

Қабр ташқарисида кимдир йиғлаётган, кимдир маҳзун кайфиятда, яна кимдир бепарво ҳолда турган бўлади.

Қабр ичида эса бир майит: “Роббим Аллоҳ, Диним Ислом, Пайғамбарим Муҳаммад соллаллоҳу алайҳи васаллам” деб айтаётган бўлса, бошқа қабрдаги майит: “Ҳах, ҳах, билмайман” деб саволларга жавоб бера олмаётган бўлади.

Ташқарида одамлар, худди майитнинг чиқишидан қўрққандек, қабрнинг уерини, бу ерини яхшилаб беркитаётган бўладилар.

Қабрнинг ичида эса бир майит “Роббим! Қиёматни қоим қилгин!” деб илтижо қилаётган бўлади.

Ташқарида баъзилар кийимларидаги тупроқни қоқаётган, жазира мақбара иссиқ ёки қаҳратон совуқдан қийналаётган, айримлар дуонинг узоқ қилинишидан малолланаётган бўлади.

Қабр ичида эса майитга фақат икки метр ер, бир неча метр оқ мато, қилган амаллари ва унинг ҳаққига қилинаётган хайрли дуолар насиб этаётган бўлади.

Ташқарыда бир соатта етар-етмас вақт ичида қабр атрофи бүшаб қолади, одамлар ортларига қайтиб кетиб, атрофни сукунат қамраб олган бўлади.

Қабр ичида эса қичқириқ, оҳ-воҳлар. Баъзи қабрлардаги майитлар неъматлар ичра, жаннатдаги ўринидини кўриб ётса, баъзи майитлар қабрнинг торлигидан, қоронғулигидан, қўрқув ва азобдан қичқираётган бўлади.

Ташқарыда одамлар қабристондан кондиционерли уйларига етиб боришган, у ердан кондиционерли машиналарга ўтириб, кондиционерли масжидларга намоз учун йўлга тушишган, ўта иссиқ ва ўта совуқдан ўзларини панага олишга уринаётган бўладилар.

Қабр ичида эса майит дунёда яхши кўрганларининг поябзал товушларини эшитиб ётган, яхши кўрганлар уни қабрда ёлғиз қолдириб кетишаётган бўлади. Қабрда қолган баъзи майитлар кенглик, неъмат ва раҳмат ичида бўлсалар, баъзилари торлик, олов ва азоб ичида бўладилар.

Бизни қандай оқибат кутяпти? Қиёматга қадар роҳат ва раҳмат ичидаги баҳтли барзах ҳаётими ёки азоб ичидаги баҳтсизликми?

Қандай оқибат истаймиз? Роҳатми ёки азоб? Агар роҳат истасак, Аллоҳ таоло буюрган амалларни ўз вақтида адо этиб, қайтаргандаридан қайтиб яшайлик! Буни тақво дейилади. Ҳа, Роббимиз бизни тақволи банда бўлиб, ўзидан қўрқиб яшашга буюрган. Эртанги кун учун қандай амал қилаётганимизни кўздан кечиришга амр қилган. У Зот Қуръони Каримда шундай марҳамат қилган:

**اُوقّت اوْ دَعَلْ تَمَدَّقْ ۖ اَمْ سِفَنْ رُطَنَتْ لَوْ ۖ هَلْلَا اُوقّتَا اُونَمَآ نَى ۚ دَلَا اَهْيَا اَيْ ۖ هَلْلَا اُوسَنَ نَى ۚ دَلَاكْ اُونَوْكَتْ ۖ اَلَوَنَوْلَمْعَتْ اَمْ بُرِبَخَ ۖ هَلْلَا نَى ۚ هَلْلَا نَوْقَسَ اَفْلَا مُهَسْفَنَ اَمْ هَاسَنَ اَفْ**

**“Эй иймон келтирганлар! Аллоҳга тақво қилинглар! Ҳар бир жон эртанги кун учун нима тақдим қилганига назар солсин. Аллоҳга тақво қилинглар! Албатта, Аллоҳ нима амал қилаётганингиздан ўта хабардордир. Аллоҳни унугланларга ўхшаган бўлманглар. У Зот уларга ўзларини унугтирди. Ана ўшалар фосиқлардир” (Ҳашр сураси, 18-19-оятлар).**

Аллоҳ таоло барчамизни тақволи бандаларидан айласин, ҳаммамизни Ўзининг ҳидоятидан айирмасин ва хотимамизни чиройли қилсин! У Зот барчамизни қабр азобидан асрасин!

**Интернет маълумотлари асосида Нозимжон Ҳошимжон тайёрлади**